

**16 МАЯ: Преподобнаго отца нашего Феодосия, Игумена монастыря
Киево-Печерскаго и начальника в Русстей земли монашескаго
общаго жития.**

Вечером 15 мая

Изменяемое №1

На Господи воззвах:

Стѹх: Изведи из темницы души мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония назиши, Господи, Господи, кто постоит; яко у Тебе очищение есть.

Стѹх: Имене ради Твоего потерпех Тя, Господи, потерпé души моя в слово Твое, уповá души моя на Господа.

Стѹх: От стражи утренния до нощи, от стражи утренния, да уповáет Израиль на Господа.

Глас 5. Преподобне отче Богонóсе Феодóсие,/ вельмí подвизáвся во временней жízни/ пёсньми, постóм и бдénием,/ óбраз был есѹ твоим ученикóм/ и нýне ўбо ликýеши со Безплóтными,/ Христá непрестáнно славослóвя,/ от Бóга Бóжие Слово и Избáвителя,/ преклónшаго главý на Крестé/ и избáвивша лéсти род человек./ Тогó моли́, Тому́ помоли́ся, преподобне,/ даровáти вселénней мир и вéлию мѹлость.

Стѹх: Яко у Господа мѹлость, и многóе у Него́ избавлénие, и Тóй избáвит Израиля от всéх беззакóний его́.

Преподобне отче Богонóсе Феодóсие,/ вельмí подвизáвся во временней жízни/ пёсньми, постóм и бдénием,/ óбраз был есѹ твоим ученикóм/ и нýне ўбо ликýеши со Безплóтными,/ Христá непрестáнно славослóвя,/ от Бóга Бóжие Слово и Избáвителя,/ преклónшаго главý на Крестé/ и избáвивша лéсти род человек./ Тогó моли́, Тому́ помоли́ся, преподобне,/ даровáти вселénней мир и вéлию мѹлость.

Стіх: Хвалі́те Го́спода всі́ язýцы, похвалі́те Егò всі́ лю́дие.

Преподóбне óтче Богонóсе Феодóсие,/ войстинну сподóбился есѝ
Божéственныя жѝзни,/ чистотóю и пощéнием сию́ обрѣт,/ жив бо
престáвился есѝ на ѝстинный живóт, всех отрѣкса,/ со Безплóтными
Христá непрестáнно славослóвля,/ от Дéвы неизречénно плоть
приѣмша,/ испровѣргшаго ад и воскресѣвшаго мѣртвыя, яже от вѣка./
Тогó моли́, Тому́ помолі́ся, преподóбне,/ даровáти вселénней мир и
вѣлию мѝлость.

Стіх: Я́ко утвердѝся мѝлость Егò на нáс, и ѝстина Госпóдня пребывáет во вѣк.

Преподóбне óтче Богонóсе Феодóсие,/ обрѣл, я́коже возлюбѝл есѝ,
чѝстую твою́ дýшу,/ благодáть бо Всесвята́го Дýха в тебѣ вселѝся,
я́ко пречѝст свет,/ Егóже поспешénием свѣтло озарѣн,/ Христá
непрестáнно славослóвил есѝ,/ во двою́ существу́ едѝнаго Бóга,
пострада́вшего плóтию на Крестѣ/ и Божествóм безстра́стна
пребѣвша./ Тогó моли́, Тому́ помолі́ся, преподóбне,/ даровáти
вселénней мир и вѣлию мѝлость.

Слава, глас 8: Приидѝте, стецѣмся вси к Божéственной пáмяти отцá
на́шего Феодóсия:/ той бо, от ю́ности звáние свѣ́ше приѣм,/ от иере́я
Богодáнный дар именовáся./ Тѣмже христороубѣвым князѣм учѝтель
пáвля вѣры,/ вельмóжам твѣрдое защищénие,/ сѝрым о́тец
милосѣрд,/ вдови́цам тѣплое заступлénие,/ скорбѣ́щим утешénие,
нѝщим сокрóвище,/ мона́шескому лѝку лѣствица, возводѣ́щая на
высоту́ небѣ́сную,/ и прóсто к нему́ притека́ющим истóчник
приснотеку́щая воды́ быв,/ мо́лит непрестáнно спастѝся душáм
на́шим.

И ны́не, прáздника.

<далее см. основной Чин>

Изменяемое №2

Прокѝмен после «Свѣте тѝхий»: *См. Прокимен дня <далее см. основной Чин>*

Изменяемое №3

Паримии:

Премудрости Соломóни чтénие (главы 5 и 6):

Праведницы во вѣки живóт, и в Го́споде мзда их,/ и попечénие их у
Вѣ́шняго./ Сегó ради приѣмут цáрствие благолѣ́пия/ и венѣ́ц
добрóты от рукѝ Госпóдни,/ занѣ́ десни́цею покрѣ́ет я и мѝшцею

защитит их./ Приимет всеоружие рвение своё/ и вооружит тварь в
мечь врагом./ Облечётся в броня правды/ и возложит шлем суд
нелицемерен./ Приимет щит непобедимый преподобне,/ поострит же
напрасный гнев во оружие,/ споборет же с ним мир на безумных./
Пойдут праволучныя стрелы молниины/ и, яко от благокругла лука
облаков, на намерение полетят,/ и от каменометныя ярости исполнь
падут грады./ Вознегодует на них вода морская,/ реки же потопят я
нагло./ Спротив станет им дух силы/ и, яко вихор, развеет их,/ и
опустошит всю землю беззаконие,/ и злодейство превратит
престолы сильных./ Слышите убо, царие, и разумейте,/ навыкните,
судий концев земли./ Внушите держащие множества/ и гордящиеся о
народех язык,/ яко дана есть от Господа держава вам/ и сила от
Вышняго.

Премудрости Соломона чтение (глава 3):

Праведных души в руце Божией,/ и не прикоснется их мука./
Непщевани быша во очесех безумных умерети,/ и вменися
озлобление исход их,/ и еже от нас шествие – сокрушение,/ они же
суть в мире./ Ибо пред лицем человеческим аще и муку приимут,/
упование их безсмертия исполнено./ И в мале наказани бывше,
великими благодетельствовани будут,/ яко Бог искусит я и обрете их
достойны Себе./ Яко злато в горниле, искусит их/ и, яко всеплодие
жертвенное, прият я./ И во время посещения их возсияют/ и, яко
искры по стоблюю, потекут./ Судят языком и обладают людьми,/ и
воцарятся Господь в них во веки./ Надеющиеся Нань разумют
истину/ и вернии в любви пребудут Ему,/ яко благодать и милость в
преподобных Его/ и посещение во избранных Его.

Премудрости Соломона чтение (глава 4):

Праведник аще постигнет скончаться, в покои будет./ Старость бо
честна не многолетна,/ ниже в числе лет исчитается./ Седина же есть
мудрость человеком,/ и возраст старости житие нескверное./
Благоугоден Божови быв, возлюблен бысть/ и живый посреде
грешных преставлен бысть./ Восхищен бысть, да не злоба изменит
разума его/ или лесь прельстит душу его./ Рачение бо злобы
помрачает добрая/ и парение похоти пременяет ум незлобив./

Скончався вма́ле, испо́лни ле́та до́лга,/ уго́дна бо бе Го́сподеви душа́
его́,/ сего́ ра́ди потща́ся от сре́ды лука́вствия./ Лю́дие же ви́девшие и
не разу́мевше,/ ни́же поло́жше в помышле́нии таковы́е,/ я́ко
благодáть и ми́лость в преподо́бных Его́/ и посеще́ние во избра́нных
Его́.

<далее см. основной Чин>

Изменяемое №4

Лития *глас 1:*

Прииди́те, празднилю́бцы днесь,/ лик совокупíвше, благоче́стно
торжеству́ем/ вели́кого отца́, всеми́рнаго свети́льника,/ пресла́вную
и честну́ю па́мять/ и сла́вно почти́м, глаго́люще:/ ра́дуйся, Феодо́сие,
преподо́бных и пра́ведных единокро́вниче;/ ра́дуйся, честны́х оте́ц
пресве́тлый полк совокупíвый;/ ра́дуйся, служи́телю и строите́лю
ве́рный оби́тели Бо́жия Ма́тере;/ и́же изрядный соста́вил еси́ храм в
сла́ву Бо́жию,/ в нёмже пою́ще, мо́лим тя;/ моли́ изба́вити нас от
вся́каго искуше́ния, и бед,/ и ва́рварскаго наше́ствия/ и спасти́ ду́ши
на́ша.

Глас 2: Учени́че Спа́сов, о́тче Богому́дре Феодо́сие,/ богодви́жимая
цевни́це, богосказа́нная уста́,/ духо́вный воево́да, па́стырю до́брый,/
преподо́бных похвало́./ Ты Бо́га взыска́л еси́/ и Сего́ просвети́лся
еси́ боголу́чными сия́ньми,/ Бо́гу бесе́довал еси́ непреста́нными
очище́нии и сия́нии,/ слёзными исто́чники просвети́в мы́сли,/ столп
всесве́тел и огнесия́нен яви́лся еси́, всеблаже́нне,/ мона́хов похвало́,
оте́цв сла́ва/ и Тро́ицы служи́тель,/ и ны́не нас всех сохрани́
ходата́йством твои́м.

Преподо́бне о́тче Феодо́сие,/ ты уще́дрил еси́ та́ющих в жа́жди
знóя,/ возме́здил еси́ боголе́пно, зна́меньями нача́льствуя,/ я́ко
служи́тель изряден твоemú Влады́це подо́бся./ Вино́ умно́жил еси́,
и жи́тницы пра́здны повеле́нием твои́м му́ки напо́лнил еси́,/ и сосу́д
оскуде́вший ме́ду изоби́ловати сотвори́л еси́./ Неявлённая уве́дав,
Це́рковь уясни́л еси́,/ му́ченически показáв страда́ния,/ исцелёний
мно́жества пода́л еси́,/ ни́щих возлюби́л еси́,/ челове́ки уще́длив
обы́чаи твои́ми,/ и твоё чре́во хле́бом и водо́ю утесни́л еси́,/ в плóти

житію Безплотных подобяся./ Ихже ради славу приношаем ти,
молящися:/ не остави нас,/ сохраняя рабы твоя молитвами твоими.

Светила возсияша в Россіи два светлейшая,/ Антоний и
Феодосий./ Ов бо Божественным словом небесную росу испустити на
землю,/ и огонь с небес сведет,/ и будущая ясно проповедает,
Троическую благодать прием./ Ов же с небес дождь испустит,/ и
князя обличит о братоненавидении и властолюбии неправедне./ И
Господа самолично виде,/ и на воздухе, яко Илия,/ во свете
пламенне, над монастырем виден бысть,/ руке воздевая и молитвы
творяй к Богу./ И ныне, со Ангелы ликовствующе, о нас молят,/ с
ними сподобитися света истиннаго/ и спасти души наша.

Слава, глас 6: Еже по образу соблюди невредимо,/ ум владыку на
страсти пагубныя постнически поставив,/ во еже по подобию, яко
мощно возшел еси,/ мужески бо естество понудив,/ потщался еси
худшее покорити лучшему/ и плоть поработити духу./ Темже
монашествующих явился еси верх,/ житель пустынный,/
благотечущих учитель,/ правило добродетели известнейшее./ И
ныне на Небесех зеркалом разрешшимся,/ отче наш Феодосие,/
чисте зриши Святую Троицу,/ моляся несредственно о иже верою и
любовию чтущих тя.

И ныне, праздника. <далее см. основной Чин>

Изменяемое №5

По полиелѣи седален *глас 8:*

От утробы освящен быв яко воистинну, Феодосие блаженне,/ на
земли, яко Ангел, пожил еси:/ плоть бо умертвив,/ Антония, иже в
пещере, житию достойно поревновав,/ Троицы угодник показался
еси, блаженне./ Темже и к ревности Божественнаго твоего жития/
лики совокупил еси монашествующих, славне./ Богоносе отче наш,
моли Христа Бога согрешений оставление даровати/ празднующим
любовию святую память твою.

Слава, и ныне, праздника.

Изменяемое №6

Степенна, 1-й антифѣн 4-го гласа.

Прокимен: Честна пред Господом/ смерть преподобных Его. *Стих:*
Что воздам Господеву о всех, яже воздаде ми?

По 50-м псалмѣ стихіра *глас 8:*

На нѣбо текущее возшѣд,/ седѣние божественно добродѣтелями,/ дошѣл еси ко крайнему граду пощением,/ от земли исходяй на горняя Иерусалима прекрасная,/ и от болезней и подвигов достойно честь приемля,/ и с Небесными радуешься чиноначалии, преблаженне,/ вечных благ наследник и Царствию житель быв./ Но молися, Богоносе Феодосие, Спасу всех/ умироти мир и спасти души наша.

<далее см. основной Чин>

Изменяемое №8

Канон святаго *глас 8.*

Песнь 1

Ирмос: Колесницегонителя фараона погрузи/ чудотвори иногда/ Моисейский жезл, крестообразно порази/ и раздели море,/ Израиля же беглеца, пешеходца спасе,/ песнь Божови воспевающая.

Богоугодный подвиг стяжав, отче Феодосие, Боговидец явился еси./ Темже молися Богу, Емуже угодил еси,/ отгнати мрак неведения моего,/ слово же блаженное вдохнути, воспети тя.

От матерня чрева прилепился еси Богу, преподобне,/ яко премудрый Павел и пророк же древле Иеремия./ Темже ты Божественная благодать устнами, Феодосие, Божия слугу нарече.

Спасителя заповеди послушав от юности, мудре, жизнь сию нивчтоже положив,/ крест желая носить на раменах твоих, вся земная возненавидел еси,/ на Небесная взирая, Феодосие.

Богородичен: Воплощся от пречистых Твоих ложесн, Дево Пресвятая,/ Божие Слово всем просвети Богоразумия любовью/ и человеков торжество лику Ангельскому сподоби, на Небесная возведи.

Другий канон *глас 6.*

Песнь 1

Ирмос: Яко по суху пешешествовав Израиль/ по бездне стопами,/ гонителя фараона/ видя потопляема,/ Богу победную песнь/ поим вопияше.

Пресвѣтлыми Бѣжиими лучами просвещѣн, ѡтче Феодѡсїе,/ просвети ум мой твоими молитвами/ воспѣти свѣтло твою Божественную пѡмѡть.

Единому принесѣся Бѣгу от юности,/ от Негоже прїят богѡтую благодѡть чудес,/ тѣмже был еси сокровище стаду своему нетлѣнно.

Новый нам явился Авраѡм, жѣртву принося Бѣгу,/ Агнца, взѣмлющаго грехи всего мїра воистинну,/ хлѣбы сотворяя своими руками чїстыми.

Богородичен: Иже прѣжде денницы Сый,/ Слово Бѣжие Человѣк нам явился,/ воплощся нас ради от Пречїстыя Дѣвы,/ и, от Тоѡ изшед, невредиму сохрани.

Песнь 3

Ирмос: Небеснаго круга Верхотворче, Господи,/ и Цѣркве Зиждителю,/ Ты мене утверди в любви Твоей,/ желаний краю, верных утверждение,/ еди́не Человеколю́бче.

Нетлѣнными дѡры и духовными, святе,/ Божественная твоя и блаженная обогащена душа,/ видети возжелѣл еси гроб Господень,/ но свѣше был еси возбранѣн Бѣжим смотрѣнием.

Жѣртва совершенна, истинна и непорѡчна/ восхотѣв бѣти Агнца, взѣмлющаго, блаженне, пречїстою кровию грехи всего мїра,/ безкровную жѣртву приносил еси Ему́.

Уставов ты стяжатель от версты юностныя, ѡтче, быв и самодѣржец ума,/ мирскїя пучины избежав,/ наставлѣние прїял еси от Божественнаго Духа.

Богородичен: Радуйся, рѡждшая Еди́на всех Господа;/ радуйся, человеком радость провозвестивши;/ радуйся, ски́ние и несекѡмая горѡ,/ верных утверждение, Еди́на Препѣтая.

Ин

Ирмос: Нестъ свят,/ якоже Ты, Господи Бѣже мой,/ вознесѣй рог верных Твоих, Блаже,/ и утвердивый нас на камени/ исповѣдания Твоего́.

Евѡнгельскаго послуша гла́са Феодѡсий, в цѣрковь прирїща,/ возжелѣв взѡти крест Господень на ра́мо свое́,/ мїра всего оста́вль пристра́стїя, Тому́ послѣдова.

Испытавши тебе, рождающая тебя мати повелевает ризу твою совлещи/
и виде ужасное видение:/ чресла твои, источающая кровь железным
препоясанием.

Зело гроб Господень вожделем видети, Феодосие блаженне,/ но,
удержан быв смотрением Владычним,/ Антонию был еси
собеседник преподобному.

Богородичен: Паче ума Ты зачала еси, Препетая Дева,/ единая бо от
века всех Творца, и Бога, и Содетеля,/ Божие Слово рождающая.

Кондак и икос праздника.

Седален святяго, глас 4: Паче ума человека явился еси, преподобне,
на земли,/ Божий сад священный, посреде дому Господня стоя,/
подавши плод болезней твоих учеником твоим:/ от уст бо твоих
благодать Духа возрастил еси,/ образ быв подвигов и устав
любящих Господа./ Егже ныне моли ти не претай спастися поющим
тебя.

Слава: Возграв Христово Божественное воплощение,/
безплотныя враги до конца обличил еси, чудне Феодосие,/ сего ради
вси, вернии, благочестно вопиём ти:/ моли непрестанно о всех нас.

И ныне, праздника.

Песнь 4

Ирмос: Ты моя крепость, Господи,/ Ты моя и сила,/ Ты мой Бог, Ты моё
радование,/ не оставь недра Отца/ и нашу нищету посети./ Тем с пророком
Аввакумом зову Ти:/ силе Твоей слава, Человеколюбче.

Благодать Духа возрастё в тебе, отче,/ егда рождающую тебя видел еси,
плачущая и рыдающую крепце,/ ты, предстояв струями слёзы
точащей,/ непоколебим столп и неподвижим пребыл еси.

Лютыми человеки враг вселукавый тщаешься отторгнуть тебе,
Феодосие,/ от гнезда преукрашенна, желаемая тобою,/ но ты сего
ничтоже вменил еси,/ полки сего отгоня молитвами твоими и поя:/
силе Твоей слава, Человеколюбче.

Окропляя себе дождем духовным,/ и животным источником
напоаяся, и языком наставника Антония,/ клас Божественный

прозябл есі и питавши мно́жества,/ неисто́щима́я во́истинну
Ио́сифова жи́тница быв.

Богоро́дичен: Кто изреши́ досто́йно возмо́жет чудес Твои́х, Чи́стая,
глубину́?/ Тобо́ю бо весь мир, хвалу́ Ти принося́, поми́лован бу́дет/ и
избавля́ется от бед лю́тых и разли́чных зол, враг же и напа́стей.

Ин

Ирмо́с: Хри́сто́с моя́ си́ла,/ Бог и Госпо́дь, Честна́я Це́рковь/ боголе́пно поёт,
взыва́ющи,/ от смы́сла чи́ста о Го́споде пра́зднующи.

Уве́давши ма́ти тво́я, му́дре, живу́ща ты со Анто́нием блаже́нным в
пеще́ре,/ ю́же, прише́дшу и пла́чущуся, утёшив,/ мирски́я зло́бы
увеща́л есі ю убежа́ти.

Ты иере́й Бо́жий беззло́бный был есі,/ я́ко во́истинну, о́тче,
безкро́вныя же́ртвы принося́, священне,/ и воспева́я се́рдцем
чи́стым ко Го́споду, пра́зднуя при́сно.

Грехо́в нам избавле́ние испроси́, Бо́жий слуго́ и предста́телю,/ ста́до твоё,
вопи́ем ти,/ и от собла́зн вра́жиих пою́щия ты сохрани́.

Богоро́дичен: Твою́ пречи́стую утробу́ освяти́ от Отца́ просия́вшее
Бо́жие Сло́во/ и мно́гия ра́ди бла́гости изба́ви челове́ческий род от
дре́вния кля́твы.

Песнь 5

Ирмо́с: Вскую́ мя отру́нул есі/ от лица́ Твоего́, Све́те незахо́димый,/ и покрýла
меня́ есть чужда́я тьма, ока́яннаго?/ Но обрати́ мя и к све́ту за́поведей Твои́х/ путю́
моя́ напра́ви, молю́ся.

Добродете́льными по́двиги возсия́ исправле́ние твоё, о́тче:/ жи́лище бо,
бы́вшее дре́вле ху́до, пространно сотвори́л есі,/ мно́ги
приве́д поклонни́ки Бо́гу, пода́ющему сим всяк дово́л твои́ми
моли́твами.

Све́тлыми заря́ми подвиго́в твои́х/ отгони́мо быва́ше мно́жество
бесо́в от твоего́ жи́лища,/ сше́ствоваше бо ти всех Творца́ благода́ть
Ду́ха/ и сла́вна ты яви́, Феодо́сие.

Спа́са Ще́драго посреде́ це́ркве воспёл есі,/ те́мже щедрóты Сво́я
бога́тыя посла́ тебе́, оскуде́ния разреша́я печа́ль,/ приснотеку́щия же
да́ры источа́я ста́ду твоему́.

Богорóдичен: Превы́шши бысть Вы́шних сил, Богоблагодáтная,/ зачénшая Сло́во, вся́ческая сло́вом сотво́ршее,/ и ро́ждшая от Отца́ прё́жде век неизрече́нно ро́ждшееся.

Ин

Ирмо́с: Бо́жиим све́том Твои́м, Бла́же,/ у́тренюющих Ти ду́ши любо́вию озари́, молю́ся,/ Тя ве́дети, Сло́ве Бо́жий,/ и́стиннаго Бо́га,/ от мра́ка грехо́внаго взыва́ющая.

Чи́стый сосу́д, цвёты добродéтельными украша́емь, óтче Феодо́сие,/ из него́же источáеши исто́чник ста́ду поучéния, па́че ме́да и со́та сладча́йша.

Естество́ плотско́е умертви́л еси́ добродéтельными по́двиги, óтче му́дре Феодо́сие,/ те́мже ты па́стыря Христо́с показá,/ иде́же па́жить прё́жде избра́ Чи́стей Де́ве.

И́же мона́хом был еси́ наста́вник/ и па́стырь овца́м, пасо́мым на па́жити Бо́жия Ма́тере,/ сего́ ра́ди Бог сугу́бу ра́дость подаёт ти, Феодо́сие,/ моли́твами Чи́стыя Богома́тере.

Богорóдичен: Обрёт Ты свяще́нный дом, Живы́й на Небесéх во́лею в Твою́ утробу́ всели́ся./ Тем благода́рными гла́сы поём пречи́стое Твое́ рождество́ прísно,/ в дому́ Твое́м стоя́ще.

Песнь 6

Ирмо́с: Моли́тву пролию́ ко Го́споду/ и Тому́ возведу́ печа́ли моя́,/ я́ко зол ду́ша моя́ испо́лнися/ и живо́т мой áду прибли́жися,/ и молю́ся, я́ко Ио́на:/ от тли, Бо́же, возведи́ мя.

Моли́твами, и бде́нием, и псаломскими́ пéнии непреста́нно/ твою́ ду́шу рай Божéственный сотвори́л еси́,/ живонóсное возрасти́в дре́во честно́е я́ве, Спа́са и Го́спода.

Изволи́л еси́ та́йное смире́ние, Влады́чне нищете́ подóбся, блаже́нне:/ во́лею твоёю путь шéствуюя,/ повелéнием лени́ваго раба́ везти́ воз к Божéственному ме́сту прия́л еси́,/ иде́же покланя́емь от сретáющих позна́лся еси́.

Подóбся но́ги Умы́вшему Свои́м ученико́м, Богому́дре,/ во́ду чéрпати и на ра́му носíти изво́лил еси́/ и древа́ свои́ма рука́ми принося́ и сеча́/ нача́льника трудо́в себе́ мона́хом показáл еси́.

Богорóдичен: Умерщвлён бысть, Богорóдице, Тобóю многокóзненный враг,/ всю тварь прёжде тлёю погубívый,/ мёртвии же Тобóю к жízни взыдóхом,/ íбо родилá есí воíстинну жизнь всех, Гóспода.

Ин

Ирмós: Жите́йское мо́ре,/ воздвизáемое зря напáстей бурею,/ к тíхому пристáнищу Твоему́ прите́к, вопи́ю Ти:/ возведи́ от тли живóт мой,/ Многомíлостиве.

И́стинную воздвиг цёрковь Бóжия Мáтере,/ в нéйже мнóжества мона́шествующих собрал есí лик,/ любóвию пою́щих честнóю твою́ пáмять.

Прибегáющим к кро́ву твоему́ с véрою,/ исто́чник исцелéний источáеши всем,/ и святы́ню изливáеши, преподóбне, и просвещáеши сердца́,/ бесóвския лéсти прогоняя.

Ко Христóу Бóгу воздвигни твои́ рúце, преподóбне,/ и твоё ста́до соблюди́, óтче, éже собрал есí Дúхом свéтло,/ моли́твами твои́ми пою́щих твою́ пáмять.

Богорóдичен: Рáдуйся, Препéтая, препéтаго Бóга всех порóждшая,/ пою́щая Тя причáстники яви́ свéту, Чíстая,/ и огня́ вéчнаго избáви.

Конда́к, глас 3: Звездóу Росси́йскую днесь почтíм,/ от востóка возсия́вшую и на за́пад пришéдшую,/ всю бо странóу сию́ чудесы́ и добрóтою обогатíвшу и вся ны/ содёянием и благодáтию мона́шескаго уста́ва,/ блаже́ннаго Феодóсия.

И́кос: Ктó изреши́ возмо́жет пóдвиги твоя́, óтче?/ Или́ ктó изочтёт мнóжества трудо́в твои́х и чудес дíвных?/ Ещé бо в плóти сый, Безплóтнаго ви́дел есí,/ в плóтяне óбразе бесéдующа к тебе́/ и дар принося́ща тебе́, Бóгом по́сланное зláто./ Пáче челове́ка ты яви́лся есí смире́нием и крóтким нра́вом/ и духо́вныя мúдрости испóлнен./ Тем, Дúха в себе́ приём, во свéте ви́ден был есí, я́ко со́лнце, сия́я./ И мене́, тебе́ пою́ща, просвети́ сия́нием твои́м, преподóбне,/ мона́шескаго уста́ва, Божéственный Феодóсие.

Ирмос: От Иудеи дошедше, отроцы/ в Вавилоне иногда/ верою Троическою
пламень пещный попраша, поюще:/ отцев Боже, благословен еси.

**К молитвам твоим, блаженне, всяк прибегая верою, никогда
постыдится:/ прием благодать прошения, отче, и возвратився,
ликует, поя:/ благословен Бог отец наших.**

**Ты отец явився и заступник сирым, и вдовицам надежда,/ и
болящим, отче, востание всем был еси./ Темже поем:/ благословен
Бог отец наших.**

**Удобрение монахом и путь спасения человеком ты был еси:/
обогащ бо вся твоими глаголы Божественных таин, учил еси
глаголати:/ благословен Бог отец наших.**

Богородичен: Из девическия утробы воплощся, Христэ,/ явился еси
на спасение наше./ Тем, Твою Матерь ведуще Богородицу,
благодарственно поем:/ благословен Бог отец наших.

Ин

Ирмос: Росодательну убо пещь/ содела Ангел/ преподобным отроком,/ халдеи
же опаляющее веление Божие/ мучителя увещая вопити:/ благословен еси, Боже
отец наших.

**Яже духом осенившая тя Божия благодать возрастé в тебе,/
просвещаящи, отче, твоё сердце, ёюже учил еси воспевати:/
благословен Бог отец наших.**

**Извещения глагол твоих изыдоша во вся страны смотрения таин
присно поющим:/ благословен Бог отец наших.**

**Многоразлична благодать Духа на тебе, отче, почи/ и преславная
чудеса показá поющим:/ благословен Бог отец наших.**

Богородичен: Под кров Твой, Владычице, прибегаяюще, избавляемся
от лют,/ надежду бо имуще, вернии вси, молим:/ Твоя рабы не
презри, Богородице Дêво.

Песнь 8

Ирмос: Седмерицею пещь/ халдейский мучитель/ Богочестивым неустовно
разжжé,/ силою же лучшею спасены, сия видев,/ Творцú и Избáвителю вопияше:/
отроцы, благословите,/ священницы, воспойте,/ людие, превозносите во вся
вêки.

Якоже проро́к Божественный, провѣдя, Феодо́сие, являешия, преблаже́нне,/ и́бо повелева́еши ду́хом прине́сшему к тебѣ Ева́нгельское писа́ние изне́сти,/ и вопи́яше ти, испове́дал чи́стым смы́слом же́ртву Пречи́стой Богоро́дице.

К твоему́ жили́щу прири́ща, я́ко елѣнь ко исто́чнику,/ приснотеку́щая нетле́нныя пи́щи получи́ти благоче́стивый князь,/ и́же зе́млю сию́ содержа́л./ Хотя́ у́бо свечеря́ти ему́, блаже́нне, но скуде́нием строите́лю вопи́юще,/ повеле́нием же твои́м напо́лнися ме́да весь сосу́д твой.

Твоя́ по́двиги воспѣ́ша А́нгельския си́лы, Феодо́сие и твоѣ жити́е лик преподо́бных похва́ли, све́тлое и украше́нное мона́хов ра́дование./ Тем и ны́не, сра́дуясь Ему́, весели́шися, поя́ согласо́но:/ о́троцы, благослови́те,/ священни́цы, воспойте,/ лю́дие, превозно́сите во вся ве́ки.

Богоро́дичен: Тя, Пречи́стая Богоро́дице, жи́зни мое́й предлага́ю Храни́тельницу и Засту́пницу непобеди́му,/ Помо́щница ми бу́ди от бед и скорбе́й,/ избавля́ющи Твоего́ недостойна́го раба́, любо́вию пою́ща:/ о́троцы, благослови́те,/ священни́цы, воспойте,/ лю́дие, превозно́сите Чи́стую во ве́ки.

Ин

Ирмо́с: Из пла́мене преподо́бным ро́су источи́л еси́/ и пра́веднаго же́ртву водо́ю попали́л еси́:/ вся бо твори́ши, Христѣ́, то́кмо е́же хоте́ти./ Тя превозно́сим во вся ве́ки.

Христá воспева́ет лик твои́х учени́к,/ с наста́вником о́крест сто́я ра́ки твоея́,/ прие́мший твоя́ труды́, досто́йныя Бо́гу,/ Егóже превозно́сим во ве́ки.

Ра́дуясь, послѣ́довал еси́ распя́тому Христу́ Бо́гу,/ мно́гими труды́ и болѣзньми те́ло умертви́в,/ ве́ру и́стинную и любо́вь стяжа́л еси́,/ ми́ра отвѣ́ргся и Христá еди́наго возлюбѣ́в.

Исто́ча́ет здра́вие Божественно́ю си́лою ра́ка моще́й твои́х, о́тче Феодо́сие,/ и стра́сти душе́вныя и плотскія исцеля́ет,/ тем воспева́ем досто́йно па́мять твою́.

Богорóдичен: Гаври́лов Ти глас ны́не восклицáем: рáдуйся, Преблагословénная Влады́чице Богоблагодáтная,/ Ея́же рáди кля́твы дрéвния избы́хом,/ Ты бо Ходáтаица всех спасéния.

Пéснь Богорóдицы: Велíчит душá моя́ Гóспода: *<см. основной Чин>*

Песнь 9

Ирмóс: Устраш́ися всяк слух/ неизречénна Бóжия снизхождéния,/ я́ко Вы́шний во́лею снúде дáже и до плóти,/ от Дев́ического чрéва быв Человéк./ Тémже Пречíстую Богорóдицу, вёрнии, величáем.

Пáмять тво́я днесь нам, я́ко сóлнце, возсия́, преподóбне:/ рáдуемся, целу́юще ра́ку твою́, и, óкрест обсто́яще, я́ко Божéственный кивóт,/ вёрно поём твоё успéние с Вы́шними ч́инми, Феодóсие.

Рáдуйся, землé Рóсская, приéмши сокрóвище некра́домо от Гóспода,/ помóщника велíка Богоблажénного и застúпника тéпла Феодóсия,/ и с л́иком пóстническим весел́ися и ты, начáло гра́де Рóссий.

Собрáся торжествó ны́не в пáмяти твоéй воспевáти Гóспода,/ тебé пода́вша дóбрыя пóдвиги, я́же ты претерпéл ес́и./ Тémже моли́ся Емú, свя́те, избáвितися ста́ду твоёмú от собла́зн вра́жиих,/ éже ты стяжáл ес́и, мúдре, молíтвами тво́ими.

Спас́и мя, ед́ине Избáвителю,/ блудн́ицы и блúднаго приéмый тéплое покая́ние и мытарéво, Спа́се, воздыхáние,/ и бúди м́лостив, Христé, мне, блúдному,/ молíтвами Твоегó угóдника, отгоня́я грехóв мо́их мнóжество.

Богорóдичен: Пощад́и мя, Спа́се рождéйся, сохрани́в рóждшую Тя без тли по рождествé,/ егда́ сядеши суд́ити дела́ моя́, грех́и моя́ презрéв и беззакóния,/ Безгрéшен сый и М́лостив, я́ко Человеколю́бец.

Ин

Ирмóс: Бóга челове́ком невозмóжно вúдети,/ на Него́же не смéют ч́ини А́нгельстии взирáти;/ Тобóю же, Всечúстая, яв́ися челове́ком/ Сло́во воплощённо,/ Егóже величáюще,/ с Небéсными во́и/ Тя ублажáем.

Отче, вѣроу чада, яже совокупил еси,/ добродѣтелями сия просветити сподоби, пастырем достоин пастырь;/ оставление же грехов и жития исправление,/ преподобне, даровати нам молися.

Равно пожив со святыми отцы, Пречистыя Девы слуга был еси, блаженне,/ и пастырь монахов изряден, яко воистинну столп правовѣрия,/ вѣрных надежда и упование поющих в дому Божия Матере.

Освещаеми силою Вседержителевою, козни вражия победил еси/ и сих полки прогнал еси, болящим здравие подал еси,/ тем, веселящися, присно чтим твою память.

Богородичен: Возсиявшаго от Отца без матере,/ неизреченно зачѣнши, родила еси, Богомати препѣтая, Дѣво Чистая./ Моли, Пресвятая, за рабы Твоя Сына Твоего и Бога нашего.

<далее см. основной Чин>

Изменяемое №9

Светилен:

Свет Единосущныя Троицы восприим в сердце твоѣм, Феодосие,/ отцем отче, благочестивыя просветил еси,/ в пещѣре укрѣплься с великим Антонием, Ангелом единокровне./ С нимиже поминай тебѣ вѣроу воспевающих.

Слава, и ныне, праздника.

<далее см. основной Чин>

Изменяемое №10

На стиховне стихиры глас 8:

Отче Богомудре Феодосие,/ ты, от утробы/ Богу приближив твой смысл,/ весьма прилежал еси Царю Вседержителю,/ плоды достойны принося Ему/ от твоих подвигов, преподобне,/ соукрашаеми добродѣтельными венцы,/ тем благих обрел еси восприятие, досточудне.

Стих: Честна пред Господем/ смерть преподобных Его.

Ты монашествующих наказатель/ и Россійския земли звезда пресвѣтлая,/ осияючи чудесы всю страну сию,/ ты бо Бог прежде избрал от юности, отче,/ пастыря овцам словесным./ Темже преподобных лик ты восприят,/ с нимиже моли, молимся,/ стаду твоему грехов оставление даровати.

Стих: Блажен муж, бояйся Господа,/ в заповедех Его восхощет зело.

Радуйся, Дево Препетая,/ яже столпом огненным пажить показавши,/ идеже паствитися хотяше Божественное стадо,/ и церковь ту абие воздвиге Феодосий,/ преукрашену Тебе и всечудну,/ в нейже вси празднуем успение Твое,/ Богородице Пречистая,/ вернии, окрест раки стояще Твоего угодника.

Слава, глас 8: Монахов множества/ наставника тя почитаем, отче наш Феодосие:/ твоєю бо стезею войстинну право ходити познахом./ Блажен еси, Христу работав,/ и вражью обличил еси силу,/ Ангелов собеседниче, преподобных сопричастниче и праведных./ С нимиже молися Господеви/ помилуютися душам нашим.

И ныне, праздника.

<далее см. основной Чин>

Утром 16 мая

Изменяемое №11

По 1-м стихословии седальны **глас 4:**

Званию Господа твоего последовал еси,/ мир оставль и вся мира красная, преблаженне Феодосие,/ претерпел еси телесное озлобление,/ в пещере, в месте скорбне и тесне, укреплься усердно,/ и полки бесов прогнал еси мужески./ Темже твою память присно песньми похвалим верно.

Слава, и ныне, Богородичен: **<далее см. основной Чин>**

Изменяемое №12

По 2-м стихословии седальны **глас 8:**

Слезными теченьми твою душу напоил еси богато, отче мудре,/ многоплоден добродетелей твоих пожал еси клас/ и, пастырь овцам, преподобне, быв,/ в злце сих воздержания воспитал еси./ Темже, разрешся от жития славно,/ отеческим ликом сочтался еси, Феодосие./ Сего ради вопиём ти:/ моли Христа Бога согрешений оставление даровати/ чтущим любовью святую память твою.

Слава, и ныне, Богородичен: **<далее см. основной Чин>**

Изменяемое №13

Тропарь **глас 8:**

Возвысився на добродетель,/ измлада возлюбив монашеское житие,/ к желанию доблественне достиг, вселился еси в пещеру/ и,

укра́сив жити́е тво́е поще́нием и све́тлостію,/ в моли́твах, я́ко
безплóтен, пребы́вал еси́,/ в Росси́йстей земли́, я́ко све́тлое свети́ло,
проси́яв, о́тче Феодо́сие,/ моли́ Христа́ Бога́ спасти́ся душа́м на́шим.

<далее см. основной Чин>

Изменяемое №14

На хвали́тех стихи́ры:

Стѹх: Сотвори́ти в них суд на́писан./ Сла́ва сѹя́ бу́дет всем преподо́бным Егó.

Стѹх: Хвали́те Бо́га во святы́х Егó,/ хвали́те Егó во утвер́жении си́лы Егó.

Стѹх: Хвали́те Егó на си́лах Егó,/ хвали́те Егó по мно́жеству вели́чества Егó.

Глас 2. Ве́рою и любóвию Христóвою весь уязви́вся, блаже́нне,/ Емѹ́же послéдуя, ми́ра отве́рглся еси́,/ оте́чества же и ро́да,/ ко Анто́нию прите́к преподо́бному,/ у него́же научи́лся еси́ неизрече́нным,/ е́же ѹ́хо не слы́ша,/ в тво́е же се́рдце вни́де./ С ни́мже ты свяще́нно воспева́ем, чтѹ́ще, Феодо́сие.

Стѹх: Хвали́те Егó во гла́се тру́бнем,/ хвали́те Егó во псалти́ри и гу́слех.

Ве́рою и любóвию Христóвою весь уязви́вся, блаже́нне,/ Емѹ́же послéдуя, ми́ра отве́рглся еси́,/ оте́чества же и ро́да,/ ко Анто́нию прите́к преподо́бному,/ у него́же научи́лся еси́ неизрече́нным,/ е́же ѹ́хо не слы́ша,/ в тво́е же се́рдце вни́де./ С ни́мже ты свяще́нно воспева́ем, чтѹ́ще, Феодо́сие.

Стѹх: Хвали́те Егó в тимпа́не и ли́це,/ хвали́те Егó во стру́нах и орга́не.

Жизнь безскве́рную вожде́лев,/ терпе́ние же, и любóвь, и смире́ние,/ стоя́ние всенóщное и возде́ржание,/ ѹ́миже умертви́л еси́ плотскі́я по́хоти./ Тем, получе́ние божéственно восприе́м,/ сра́дуешися ликóм преподо́бных./ Не забыва́й, блаже́нне, прося́ грехóв оставле́ния/ ты досто́йно воспева́ющим.

Стѹх: Хвали́те Егó в кимвáлех доброгласных, хвали́те Егó в кимвáлех восклицáния./ Вся́кое дыха́ние да хва́лит Го́спода.

Егда́ злонача́льный враг/ разбо́йники наведе́ на ста́до тво́е, преподо́бне,/ погуби́ти хотя́ сѹщия в нем,/ но, ви́девше це́рковь, выспрь ви́сящу, отхожда́ху,/ боя́щиеся да́нныя тебé благода́ти от Бо́га, преподо́бне,/ слы́шаша бо глас в це́ркви пе́ния А́нгельскаго неизрече́ннаго./ С ни́ми же и ны́не веселя́ся, помина́й нас,/ ве́рою пою́щих твою́ светно́сную и честну́ю па́мять.

Слáva, глас 6: Преподóбне óтче,/ во всю зéмлю изы́де вещáние исправлénий тво́их,/ тем на Небесéх обрél ес́и мзду трудóв тво́их,/ дéмонския погубíл ес́и полкí/ и А́нгельския достíгл ес́и чíны,/ íхже жити́ю без порóка поревновáл ес́и./ Дерзновéние имéя ко Христú Бóгу,/ мир испросí душáм нáшим.

И ны́не, Богорóдичен: <см. основной Чин>

Изменяемое №15

Кондак глас 3:

Звездú Россíйскую днесь почтíм,/ от востóка возсия́вшую и на за́пад пришédшую,/ всю бо странú сию́ чудесý и добрóтою обогатíвшу и вся ны/ содéянием и благодáтию мона́шескаго устáва,/ блажénнаго Феодóсия. *<далее см. основной Чин>*

На Литургии

Изменяемое №20

Прокимен, глас 7: Честнá пред Гóсподем/ смерть преподóбных Егó.

Стих: Что воздám Госпóдеви о всех, я́же воздаде́ ми?

Изменяемое №21

Аллилу́я, глас 2: Свящénницы Тво́й облекúтся в прáвду, и преподóбнии Тво́й возра́дуются.